

Л. ҚИМАНОВА

НАНЫМ-СЕНИМДЕРГЕ ҚАТЫСТЫ ТҮРАҚТЫ ТІРКЕСТЕРДІҢ ЗЕРТТЕЛУ ТАРИХЫНА ҚЫСҚАША ШОЛУ

Наным-сенімдер дегеніміз не, ол тек ескілікті көзқарасты ғана білдіре ме? Оның тілмен, ұлттық тәрбиемен байланысы бар ма? Көшілігіміз ұзақ жылғы атеистік тәрбиенің ықпалында болып, жаратылыстану ғылымының құпияларын зерделеп оқығандықтан, көне нанымдарға селқостықпен қараймыз. Шындығына келгенде, әлем халықтары-

ның мәдениеті мен тарихының бастаулары осы на-
нымдардан тараған.

Халықтардың салт-дәстүрлері мен әдет-ғұрып-
тары, ырымдары мен тыйымдары, осы көне наным-
дардың өзгеріске түсken үлгілері. Еуропа елдерінің
көшілігінде дәстүрлі тыйымдар халық арасында
көп айтыла бермейді, ұмытылған. Себебі, тыйым-

дардың дені сол мемлекеттердің заңының ішкі баптарына айналып кеткен. Оған неміс халқының заңдарын мысал етуге болады. Тіпті қазіргі сан-салалы ғылымдардың да шығуына нанымдар ықпал еткен. Кез келген көне наным-сенімдерден сол этностардың айналысқан қосбін байқауға болады. Оған Қазақстан территориясынан табылған тастарда салынған түрлі аң мен қыран құстардың суреттері, жыландардың кескіндегі де дәлел. Тастағы суреттердің көбісі мифологиялық сюжеттерге арналған. Ә. Марғұланның айтуынша, қасқыр түркі-монгол тайпаларының негізгі тотемдері болған. Олардың танымында қасқыр жер мен жайылымды қорғайтын құдіретті күш. Сондықтан адамдар қын сөтте қасқырдың көмегіне сүйенген, сақ, ғұн, үйсін дәүірлеріндегі түркі тайпалары арасында көн тараған аныздарда қасқыр адамның қорғаушысы ретінде көрінеді [1].

Түркі тілдес тайпалардың көне наным-сенімдері өзінің бастауын табиғаттан алған. Ежелгі түркілердің табиғатқа тәнір ретінде табынуы сокыр сенімге емес, табиғатанаға деген құрмет сезіміне негізделген. Түркілердің табиғатпен қарым-қатынасы ана мен бала арасындағы маҳаббат сезіміндегі шынайы. Табиғатпен туыстық, татулық оларды ізгілік әлеміне жетеледі. Табиғатты сую сезімі ата-баба аруағын қастерлеуді, жануарлар дүниесіне рақымшылдықты үрретti.

Міне, осылайша мифологиялық ойлау біртебірте идеологиялық сипатқа ауысады. Оған Көк түріктердің мемлекет болып қалыптасу кезінде, әртүрлі тайпалардың түрлі тотемдік аттармен келіп бірігуін мысал етуге болады. Көк түркілер қағандығы ыдырағаннан кейін акқуға, көк бөріге, бүркітке, қарғаға, т.б. байланысты тотемдік сенімдерден шыққан ырымдар мен тыыйымдар көне түркі халықтарының бәріне ортақ болып қалады. Ал ел арасында акқуға байланысты ырымдар мен тыыйымдар жетерлік. Оны атқан адам о дүниеде де, бұл дүниеде де онбайды. Ертедегі тайпалар аккулардың сұлупығына, қөркемдігіне қызығып, адамзаттың әуелгі анасы осыдан тараған, оны құстың сұltаны дейді, оларға қастерлеп, сыйынатын, табынатын болған. Аққудың тотемдік мәні көнере келе, өзге діндердің ықпалына ауысады. Шамандық діннің әсерімен оны бақсылар да пайдаланған. Мысалы, Сібірдегі түркі тектес халықтардың шамандары, қазақтың бақсылары тәрізді зікір салып қобызбен ойнау кезінде, бастарына акқудың терісін киіп, қөрмермендерін кимылсыз сиқырлап тастаймыз деп иландырған. Сол арқылы өздерінің неден болса да корықпайтындарын дәлелдей қана қоймай, осы

әрекеттері арқылы бақсылықты «әулиелік» деп тануға мәжбур еткен. Сейтіп өздерінің гипноздық әсері арқылы «арқасы», «иесі», «жыны» бар екендік-терін қөрмермендеріне мойыннаткан. Сейтіп бақсыларда акқудың аруағы болады екен деген жаңа мифтік ұғымдарды да қалыптастырған. Бұдан шаман діні тарағанда, тотемдік сенімге белгілі мөлшерде қарсылық жасалғаны байқалады. Жалпы ұлттық ұғымда акқудың терісінен киім киоге болмайды, солай десек те, Шоқан Уәлихановтың қарындастының акқудың терісінен тігілген ішігінің Мемлекеттік музейге қойылуы, акқудың терісінен киім тігілгендігін дәлелдейді. Шамасы, бұл Уәлихановтар әулетіне қастандық жасаушы адамдардың көп болғандығынан болса керек. Шоқанның жалғыз қарындастының үстіне аққу тонын кидіру арқылы, оған жамандық жасамақ болған адамдардың бойына үрей тудыру арқылы дұшпандарын қорқытқан болса керек.

Әуелгі адамдардың түрлі мифологиялық ойлаулары логикалары мен философиялық пікірлерінің қалыптасуына, сол арқылы тілі мен ауыз әдебиетінің түрлі жанрларының пайда болуына ықпал етті. Мифтік ұғымдар көркем қиял, тіршілік етуге қажетті білім тудырды, адамзат баласының сөз қорын байытты, адам тәрбиесінің рухани құралы ретінде көрініп, қоғамдық сананың денгейін көтеруге үлес кости. Мәдени-педагогикалық тұрғыдан келсек, мифтік ұғымдар адамның ойлау, сөйлеу, әрекет жасау, тіршілікке бейімделу, күресу, қорғану қабілетін, сана-сезімін жетілдіріп, рухани шындалуына себепші болды, жақсылық пен жамандық туралы ұғымдардың адам санасында қарама-қайшылықта түсіу нәтижесінде адам табиғаттан тыс қүштерге төтеп беруді қиялдан, өзінің мүмкіндіктерін әсірелеген, ой-әрекетін жетілдірген. Алып бейтеректің басы аспанды, ортасы ортанғы әлемді, тамыры төменгі әлемді мекен етеді деген космологиялық нанымдары дүниенін үш белгілі жайлы ұғымдарын ғана емес, алғашқы математика ғылымының негізінің қалануына ықпал етті. Олар өздерінің жаратылысы жайлы мифологиялық нанымдарын билерінде (қимыл арқылы), әндерінде бейнелегендіктен би өнері мен ғұрыптық фольклор пайда болды. Ал қазіргі мәдениеттің толық жатқан түрлери соның бастаулады.

Бақсылардың о дүниедегі ата-бабаларымызбен тілдесsemін деп, колдаушы «иелерін» көмекке шақырып, қайғылы немесе жүйке ауруына шалдықкан адамдарды тыныштандырып, ауруларды емдейтіні – қазіргі халық медицинасы мен психология ғылымының негізін салды. Қазақтың шаман-

дық нанымдарын тұнғыш зерттеген Ш. Уәлиханов сөзімен айтсақ, шаманизмнің мөні – табиғат пен адамды қастерлеу, бабалар рухына сыйыну болмақ. Шамандық нанымдар казак халқының рухани өміріне көптеген өнегелік қатынастар мен салттарды әкелген болса, солардың бастысы – ата-баба дәстүрін, әкені ардақтау. Тотемдік, шамандық нанымдардың ықпалымен адамдардың салт-санасында, өнегелік қатынастарда мінез-кулық нормаларында қоғамдық сананың жаңа сатысына лайық өзгерістер пайда болды. Ол өзгерістер шамандық нанымдардың арбау, аластау, емдеу, үшкіру, күн жайлату, бұлт үйірлту, бәдік, жарапазан айту, тасаттық беру, қалжа, аксарбас, жаназалау, жетісін беру, жеті құлше тарату, жеті ата, ата-баба дәстүрін ардақтау салттары, ырым, әдет, кәде, жоралғыларына ұласып, даралана түсу үдерісімен де тығыз байланысты.

Олай болса, бұгінгі күні, көне нанымдарын жоғалтып алған халықтардың әдет-ғұрыптарына қарап, олардың нанымдарын ғана емес, кәсіби тұрмысын, мәдениет бастауларының да негізін анықтауға болады. Американдықтардың қазіргі би өнерінен фольклордың элементтерін, жазба әдебиетінен архетип іздептіні осыдан шықкан. Сондықтан мәдени бай мұрасы бар халықтардың, Еуропа әдебиетінің зерттеу тәсіліне еліктеп, өздерінде барды саналы түрде жоғалтуы, ұрпақ алдында кешірілмес қателік болар еді. Өйткені, жоғарыда айтқанымыздай, бұл елдердің көбінің тыйымдары занға енгізіліп, өзгеріске ұшырап, жаңаша сипат алған.

Сондай-ақ, көне наным-сенімдер өртүрлі этностың рухани, материалдық мәдениетімен ерекшеліктерінен қалыптасып қана қоймай, сөздік корына да ықпал еткен. Себебі, әрбір этностың дүниетанымы, салт-дәстүрлері мен мәдениетін ең алдымен көрінісін тілде табады. Тіл – мәдениет айнасы. Көрнекті философ, ғалым Э. Сепир: «Тілдегі лексика өзі қызмет етіп отырған халықтың мәдениетін өз қалпында бейнелеп көрсетіп береді» [2,1], – десе, осы ойды отандық тіл білімінде этнолингвистика саласының негізін салушы академик Ә. Т. Қайдар былайша қорытады: “егер халық пен тілді біртұтас құбылыс деп қарасақ, тіл халық өмірінің материалдық және рухани байлықтарын бойына жинаған, оның наным-сенімдерін, дәстүрін көрсететін, ұрпактан ұрпакқа беріліп отыратын баға жетпес байлық” [3,9]. Өркениет заманы өз биғінен шыққанмен, ұлт мәдениетін ұлт тілінен бөліп алып дамыту мүмкін емес. Әр ұлт өз мәдениетін, ұлттық болмысын және тұрмыс-тіршілігінің суретін тілінде сактайды. Ежелгі түркі тайпаларынан қазактарға

аудықсан кейбір наным-сенімдер, мифтік ұғымдар бүгінгі салт-санамызыда қанатты сөздер немесе тұрақты тіркестері түрінде сакталған.

Жалпы наным-сенімдерге қатысты тұрақты тіркестердің арнайы зерттеген ғалымдардың саны жоқтың қасы. Соның ішінде Қ.Ғабитханұлы қазак тіліндегі наным-сенімдерге қатысты тұрақты тіркестердің өзінен зерттеп, оларды тақырыптық-мағыналық жағынан топтастырып қарастырган. Ол қазак тіліндегі тұрақты тіркестерді шығу тегі мен мазмұнына, мотивтік негізіне т.б. байланысты төмөндегідей алты топқа бөледі: тотемизм, фетишизм, анимизм, магия, дәстүрлі діндер және киелі сандарға байланысты. Ғылыми жұмысында Қ.Ғабитханұлы сан алуан діндер мен наным-сенімдерге тікелей қатысты ТТ-дің қалыптасу тарихына қысқаша шолу жасап, олардың нақтылы мотивтерін қарастырады. Ол діни наным-сенімдерге байланысты қалыптасқан лексемалар мен тіркестердің көбір ерте кездің туындысы екендігін аныктап, кейбіреулерінің бастаулары, пайда болған кезеңдерін қарастырады.

Қазак фразеологиясының негізін салушы И.Кенесбаев фразеологизмнің шығу жолының кейбірін сөз етіп, соның ішінде наным-сенімдерге қатысты тұрақты тіркестерді де көлтіреді. Ол: «Адам баласы сонау отқа, суға, көп құдайға табынған шағында-ақ, талай-талай заттарды киелі санап, оларға өздерінше лақап ат қойған... Қазақ халқы өзінің өткен тарихында талай көрші елдермен, шет жүрттармен экономикалық әрі мәдени қарым-қатынасты басынан кешіргені мәлім. Тілімізде осыған орай туған тіркестер бар» [4,556], – дейді.

Кунин А.В. «Фразеология современного английского языка» атты еңбегінде ағылшын тіліндегі тұрақты тіркестердің шығу тарихын, олардың қолданылу ерекшеліктерін сөз етеді. Осы еңбегінде ол кейбір наным-сенімдерге қатысты тұрақты тіркестердің шығу жолын анықтайды. Мысалы, ағылшын тіліндегі аспан денелеріне қатысты тұрақты тіркестер ағылшын халқының ертедегі космогениялық сенімін туған. Олардың пікірінше, аспан жүлдіздарының орналасуы адам тағдырына әсері болған. Бұгінде де астрологиялық болжамдарға сеніп, теледидардан беретін немесе газет-журнал беттерінде жарияланып жүрген астрологиялық болжамдарға сенетіндердің саны өте көп. Сонымен қатар наным-сенімдерге қатысты тұрақты тіркестер Библиядан немесе мифтерден бастау алады. Мысалы, Библиядан алынған «the root of all evil» тұрақты тіркесі зұлымдық ақшаға деген құмарлықтан басталады деген мәғынаны береді, ал мифтік сенім-дер-

ден туған тұрақты тіркестер көбінесе бірнеше тілдерге еніп, халықаралық фразеология қатарына жатады. Осындай ТТ-ге, мысалы :the Achilles' heels- Ахиллестің өкшесі, the prodigal son-адас-қан үл т.б. жатқызуға болады.

Б.Б.Таңсықжина қазақ және неміс тілдеріндегі культтік фразеологизмдерді этнолингвистикалық тұрғыдан салыстыра отырып зерттейді. Соның ішінде ол «құдай, тәнір, алла» сөздерімен тіркесіп жасалған тіркестердің табиғатына тере-нірек үніледі. Қазақ тіліндегі «Құдай» сөзімен байланысты тұрақты тіркестердің біршамасының неміс тіліндегі дәл баламаларын көрсетеді.

А.Ислам өзінің макалаларының бірінде құрамында зооморфизм бар мағынасы күнгірт тартқан қазақ тіліндегі фразеологизмдерге салыстырмалы-салғастырмалы және және әртүрлі мәдени контексттер негізінде лингвомәдени сараптама жасайды. Қазақ тілінде төрт түлік малға байланысты қалыпта-скан тұрақты тіркестердің саны жетерлік. Соның ішінде автор түйе малына байланысты тіркестерге ерекше токталады, себебі халқымыз оны қасиетті санайды. Мысалы, тілі-міздегі «қуанышқа кенелу» мағынасындағы «Ақ түйенің қарны жарылды» тіркесінің образдық негізінде ақ түйені жалпы, ақ түсті қастерлеу, наным-сенімі жатқанын былай деп түсіндіреді: «“Ақ” түсінін тәнірлік дүниетанымға ұласатынын, “Тәнір” алғашқыда “таң шапағы” содан соң, “аспан”, ал түркі дәуірінде абстракты мағынасында “құдірет” ретінде танылғанын айтып кеткеніміз де жөн болар »[5, 121]. Жоғарыда келтірілген тұрақты тіркесте Тәнірге табыну, оның құрметіне ақ түсті малды құрбандыққа шалу, яғ-ни дүниетаным көрінісінің ритуалды формасы бейнеленген.

Сонымен, халықтардың діни көзқарастары этникалық ерекшеліктеріне байланысты қалыптасады. Эр діннің мәдени дамуының өзіндік ерекшелігі бар. Олардың бала тәрбиесі, киім киісі мен тамақтануы

да соған қатысты. Бұдан олардың зандары да сол мемлекетте тұратын этностардың ерекшелігіне қарай жасалатындығын байқауға болады. Мысалы, ағылшын халқының кез келген мәселені ұлттық дәстүрінің төртібімен шеше-тіні де содан. Қазақ наным-сенімдерін де зерттеудің пайдалы жақтары бар екенін анғарған жөн, Парламентте заң қабылдағанда көнеден келе жатқан тыйымдарымыздың жарамды тұстарын пайдаланудың да маңызы бар. Олай болса, наным-сенімдеріміздің зерттелуі еткенімізді тану ғана емес, оларды ұрпақ тәрбиелеуде пайдалану.

ӘДЕБІЕТ

1. Маргулан А.Х. Мир казаха. Алматы, 1997.
2. Сепир Э. Тіл туралы. Пекин, 1985. 186-195-66.
3. Қайдар Ә.Т. Қазақ тілінің өзекті мәселелері. Алматы: Ана тілі, 1998. 304-б.
4. Қеңесбаев І. Қазақ тілінің фразеологиялық сөздігі. Алматы, 1977. 596-б.
5. Ислам А. Мағынасы күнгірт тартқан фразеологизмдерге лингвомәдени сараптама. Жалпы және салғастырмалы фразеологияның өзекті мәселелері. Алматы, 2003. 120-125-66.
6. Уәлиханов Ш. Таңдамалы. Алматы, 1985.
7. Кунин А.В. Фразеология современного английского языка. М., 1972. 287 с.
8. Таңсықжина Б.Б. Культтік фразеологизмдерді салыстыра зерттеудің этнолингвистикалық аспекті. Жалпы және салғастырмалы фразеологияның өзекті мәсе-лелері. Алматы, 2003. 136-140-66.